

師 賢

浙音釋字琴譜：（明弘治四年前即 1491 年前）

第一段 建官惟賢

天下可以一人有，土地非可以一人守。堯有天下，得賢而有舜帝，舜得乎臯陶，成湯得賢而周召。吾周也邦雖舊，其命維新，受賢輔，招來就賓而友禮，幣非卑厚。雲龍風虎何時偶，建官舉任需賢否，迷邦懷寶江山秀，人世誰其右。

第二段 資人勵士

資人而勵士，經天而緯地，紀綱而統制。保無虞，長治久安之計。

第三段 將求叶卜

將求而叶卜，天與祝邦家而永福。鑿石而求美玉，牛山也棟梁取木。藏珠而蘊賈，遷喬也而出谷。資而不易得也恩須沃，盡誠求之於巖築。

第四段 際遇君臣

風雲際遇何稀奇，元龜吉卜符靈異。非龍也應非虵，非熊也應非羆，非虎也應非豨，王霸也當獲君師。良會應無期，際遇當其時。巍然太平也重開基，燁然邦家的那增光輝，非此謂誰。

第五段 就賢納誨

繩愆糾繆而日進，嘉謀嘉猷而日聞。就賢納誨，忠諫也而獲伸。滋衆樂，聞讜論，從善改過，人臣而人君。諫鼓謗木，敢設而因循。克終允德，的那稽首也而那是遵。君而尊，臣而賓，有賴匡救也，地利人事天文，一一披陳。

第六段 供職進言

人臣供職而進言，有犯無隱，敢諍當爲先。藏語以如默，揉方以爲圓，直行己道無徧。披心露腹，可否而從辯，萬計萬全，至臻熙皞之天。

第七段 先君附望

適周而有聖人興，子符我先君靈。先君太公靈，久望同爲盟，太公望以是是也而爲名。尊爲師，尙父載與歸寧。

第八段 天福有周

青天放出光明月，符望無論頭似雪。君臣相遇樂無窮，魚水應相得。德星輔弼耀南天，看口潔光照黃金闕。萬萬年，周天下，從施設。